



Broj: 04-14-508-19/18
Sarajevo, 25.07.2018.godine

Na osnovu člana 64. Stav (1) tačka b) i člana 70. stav (1), (3) i (6) Zakona o javnim nabavkama („Sl. glasnik BiH“ broj:39/14), Preporuke Komisije u postupku javne nabavke pod nazivom „Izrada studije istraživanja strategijskih pravaca razvoja stacionarnog saobraćaja i javnih parkirališta za područje Kantona Sarajevo“ br: 04-14-508-9/18 od 19.06.2018.godine, a u skladu sa uputuma Rješenja Ureda za razmatranje žalbi br: JN2-03-07-1-919-11/18 od 19.07.2018. godine Ministar saobraćaja Kantona Sarajevo d o n o s i:

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za nabavku u postupku javne nabavke: „Izrada studije istraživanja strategijskih pravaca razvoja stacionarnog saobraćaja i javnih parkirališta za područje Kantona Sarajevo“, te ugovor dodjeljuje ponuđaču **Fakultet za saobraćaj i komunikacije Univerziteta u Sarajevu** prema dostavljenoj ponudi br: 04-14-23523 od 29.05.2018. godine u ukupnoj vrijednosti od **57.915,00KM sa PDV-om**.

Član 2.

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti u roku od 3 (tri) dana, nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku, ili dostavi neprihvatljive dokaze ova Odluka će se poništiti.

Član 3.

Ova Odluka objavit će se na web stranici ugovornog organa www:http.ms.ks.gov.ba istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Ministarstvo saobraćaja Kantona Sarajevo je dana 22.06.2018. godine donijelo Odluku o izboru najpovoljnijeg ponuđača br: 04-14-508-10/18, na koju je ponuđač Institut za građevinarstvo IG Banja Luka uložio žalbu, a koju je dalje Ured za razmtranje žalbi Rješenjem br: JN2-03-07-1-919-11/18 od 19.07.2018. godine usvojio te predmet vratio na ponovno odlučivanje.



Rješavajući u ponovnom postupku, a slijedeći upute drugostepenog organa ugovorni organ je potvrdio slijedeće:

Postupak javne nabavke pokrenut je Odlukom o pokretanju postupka javne nabavke broj: 04-14-508/18 od 09.01.2018. godine – „Izrada studije istraživanja strategijskih pravaca razvoja stacionarnog saobraćaja i javnih parkirališta za područje Kantona Sarajevo“. Javna nabavka je provedena putem postupka: Konkurentski zahtjev za dostavu ponuda. Vrijednost javne nabavke bez PDV-a iznosi 50.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1242-7-2-2-3-3/18 dana 17.05.2018. godine.

Rok za dostavu ponuda bio je 29.05.2018. godine do 11,00 h.

Za navedenu nabavku u predviđenom roku i uredno zatvorenim kovertama, dostavljena je ponuda ponuđača:

- **Institut za građevinarstvo IG Banja Luka**

- **INK Constructor d.o.o. Banja Luka**

- **Fakultet za saobraćaj i komunikacije Univerziteta u Sarajevu**

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-14-508-1/18 od 09.01.2018.godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa. Zapisnik o pregledu i ocjeni ponuda broj: 04-14-508-9/18 od 19.06.2018. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda tri (3)

- da su blagovremeno zaprimljene tri (3) ponude

- da nema neblagovremeno zaprimljenih ponuda

- da je ponuđač Fakultet za saobraćaj i komunikacije Univerziteta u Sarajevu dostavio ponudu koja je u okviru procijenjene vrijednosti javne nabavke, te da ista ispunjava formalno-pravne uslove za učešće, kao i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda u kojem je utvrđeno slijedeće:

1)Ponuđač Institut za građevinarstvo “IG” Banja Luka nije ispunio uvjet iz tenderske dokumentacije a koji se odnosi na tražene dokaze o tehničkoj i profesionalnoj sposobnosti, prema zahtjevima iz tenderske dokumentacije- član 48.-51.

B) Ponuđač je dužan dostaviti dokaze da u radnom odnosu na neodređeno vrijeme, ugovorom o radu sa punim radnim vremenom ili ugovorom o djelu/ poslovno-teničkoj saradnji koji sadrži elemente ugovora o radu, ima minimalno angažovano tehničko radno osoblje:

b) Minimalno tri saradnika, diplomirani inženjeri saobraćaja, (VII stepen), odnosno visokog obrazovanja prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja s položenim stručnim ispitom i pet godina radnog iskustva.

Ponuđač nije ispunio zahtjev iz tenderske dokumentacije obzirom da za dostavljene inženjere saobraćaja Sarić Bojana i Aleksić Branka nije dokazao traženo radno iskustvo prema zahtjevima iz tenderske dokumentacije.

Naime, iz dostavljene dokumentacije utvrđeno je da je Bojan Sarić kod ponuđača zaposlen na poslovima visoke stručne spreme od 01.03.2016. godine, tako da je ponuđač mogao za Sarić Bojana dati potvrdu o radnom iskustvu/stažu samo za iskustvo/staž koji je ostvario kod istog, dok je nadalje u dostavljenoj potvrdi navedeno da Bojan Sarić ima 6 godina i 12 dana radnog iskustva ostvarenog kod ponuđača, ne navodeći podatke o zaključenju ugovora odnosno



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



periodu obavljanja posla, na osnovu kojeg se da zaključiti tačnost navedenih podataka. Također iz radne biografije (CV) na stranici 131. da se zaključiti da je Bojan Sarić kod ponuđača Instituta za građevinarstvo „IG“ Banja Luka bio zaposlen u periodu od 2011.-2013. godine (cca 2 godine), te ponovno zaposlen od 2016.-2018. godine (cca 2 godine), na osnovu čega je komisija konstatovala da ne stoji tvrdnja o 6 godina i 12 dana radnog iskustva kod ponuđača, odnosno da isti ne ispunjava zahtjev iz tačke 1.5. pod B) podtačka b) tenderske dokumentacije, u dijelu koji se odnosi na traženo radno iskustvo.

Što se tiče Aleksić Branka dipl.ing. saobraćaja, komisija je također utvrdila da je isti zaposlen kod ponuđača na poslovima visoke stručne spreme od 07.08.2014. godine, a da je ponuđač dostavio potvrdu o radnom iskustvu/stažu za istog te naveo da na dan izdavanja potvrde (28.05.2018. godine), imenovani ima radni staž i profesionalno radno iskustvo u struci u trajanju od 5 godina, 8 mjeseci i 28 dana. Iz navedenog se da zaključiti da je Aleksić Branko na osnovu ugovora zaključenog 07.08.2014. godine, kod ponuđača Instituta za građevinarstvo „IG“ Banja Luka, ostvario 3 godine, i cca 9 mjeseci radnog iskustva/staža, te da ponuđač nije dokazao ispunjavanje zahtjeva iz tačke 1.5. pod B) podtačka b) tenderske dokumentacije, a u dijelu koji se odnosi na traženo radno iskustvo.

Sve navedeno iz razloga što je tenderskom dokumentacijom jasno navedeno da se radno iskustvo dokazuje izjavom poslodavca kod koga je isti bio angažovan.

2) Ponuđač INK Constructor d.o.o. Banja Luka nije ispunio uvjet iz tenderske dokumentacije a koji se odnosi na tražene dokaze o tehničkoj i profesionalnoj sposobnosti, prema zahtjevima iz tenderske dokumentacije- član 48.-51.


B) Ponuđač je dužan dostaviti dokaze da u radnom odnosu na neodređeno vrijeme, ugovorom o radu sa punim radnim vremenom ili ugovorom o djelu/ poslovno-teničkoj saradnji koji sadrži elemente ugovora o radu, ima minimalno angažovano tehničko radno osoblje:

- b) Minimalno tri saradnika, diplomirani inženjeri saobraćaja, (VII stepen), odnosno visokog obrazovanja prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja s položenim stručnim ispitom i pet godina radnog iskustva.

Ponuđač nije ispunio zahtjev iz tenderske dokumentacije obzirom da za dostavljenog inženjera saobraćaja- magistra tehničkih nauka iz oblasti saobraćaja, Jasnić Aleksandru nije dokazao traženo radno iskustvo prema zahtjevima iz tenderske dokumentacije.

Naime, iz dostavljene dokumentacije (Izvještaj o broju zaposlenih radnika kod poslodavca, stranica 83.) utvrđeno je da je Jasnić Aleksandra kod navedenog ponuđača zaposlena od 01.03.2016. godine kao i da je ponuđač u ponudi dostavio uvjerenje/ potvrdu o radnom iskustvu (stranica 48.) u kojoj je navedeno da je Jasnić Aleksandra u stalnom radnom odnosu u INK Constructor d.o.o. na radnom mjestu projektant od 01.03.2016. godine i dalje (potvrda od 28.05.2018. godine), što znači da ponuđač može izdati potvrdu samo za period od 01.03.2016. do 28.05.2018. godine (što je 2 godine, 2 mjeseca i 28 dana), dok je u istoj navedeno da imenovana sa danom izdavanja uvjerenja ima 11 godina, 8 mjeseci i 10 dana radnog iskustva, što se ne slaže sa dostavljenim podacima iz Poreske uprave RS.

Imajući u vidu navedeno Komisija je utvrdila da ponuđač nije dokazao ispunjavanje zahtjeva iz tačke 1.5. pod B) podtačka b) tenderske dokumentacije, a u dijelu koji se odnosi na traženo radno iskustvo.



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



U skladu sa kriterijumom za dodjelu ugovora "najniža cijena", **ugovor se dodjeljuje ponuđaču Fakultet za saobraćaj i komunikacije Univerziteta u Sarajevu u ukupnoj vrijednosti nabavke 57.915,00KM (sa PDV-om).** Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



MINISTAR


Dr.sc. Mujo Fišo

Prilog:

1. - Zapisnik o pregledu i ocjeni ponuda broj: 04-1-508-18/18 od 25.07.2018.godine sa svim priložima

Dostaviti:

1. Institut za građevinarstvo IG Banja Luka
Ul. Kralja Petra I Karađorđevića 92-94, 78000 Banja Luka
2. INK Constructor d.o.o Banja Luka
Ul. Cerska 45A, 78000 Banja Luka
3. Fakultet za saobraćaj i komunikacije
Ul. Zmaja od Bosne br.8, 71000 Sarajevo
4. Ministarstvo saobraćaja Kantona Sarajevo
5. evidenciji
6. a/a



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

